

經方應用



經方應用

泰州武國良簡侯編纂

甘草湯類

咽痛急迫傷寒論主用

甘草湯

甘草八。

右剉細以水一合煎五勺去滓溫服

証狀表現 原文少陰病二三日咽痛者可與

甘草湯不差者與桔梗湯

立方意義 少陰經脈循喉嚨挾舌本其發生

咽痛則由陰盛於下陽浮於上循本經脈而至咽既無陰液以滋潤之復受客熱之侵襲消灼而起甘草入咽能促進分泌增加驅痰沫外出有清熱解毒緩和急迫之功以此清之潤之而解其痛故有國老之稱

治療標的 以咽痛急迫為主標的而用之

諸家經驗談 傷寒論輯義引徐說甘草一味

單行最能和陰而清衝任之熱每見生便癰者驟煎四兩頓服立愈則其清少陰客熱可知所以為咽痛專藥也

又單味甘草湯功用頗多玉函經治小兒撮口發噤用生甘草二錢半水一盞煎六分溫服令吐痰涎後以乳汁點兒口中千金方甘草湯治肺痿吐涎方心中溫溫液液者又凡服湯嘔逆不入腹者先以甘草三兩水三升煮取二升服之得吐但服之不吐益佳消息定然後服餘湯即流利更不吐也此類不違枚舉

丹溪心法 騎馬癰用大粉草帶節四兩長流水一碗以甘草淬焙水盡為末入皂莢炭少許作四服湯調頓服效

李迅癰疽方 治陰下懸癰用橫紋甘草一兩

四寸切段以溪澗長流水一碗以文武火慢慢蘸水炙之自早至午冷水盡為度劈開視之中心水潤乃止細剉用無灰酒二小碗煎至一碗溫服次日再服便可保無虞此藥不能急消過二十日方得消盡

按 日醫喜多村秀城云將甘草煎膏稠厚熱酒化服有奇效名炙甘草膏

外台祕要 近效一方(即本方)療赤白痢日數十行不問老少

聖濟總錄

甘草湯治熱毒腫或身生瘰癧者

又治舌平腫起滿口塞喉氣息不通頃刻殺人

青囊瑣探 小兒啼哭不止以本方二錢許浸

熱湯絞去滓與之即止

又 傷寒不省人事經日譫語不得眠者以五

六錢煎湯晝夜陸續與之有神效

又 癲疾搐搦嘔吐角弓反張及嘔吐不止湯

藥入口即吐者用半夏生薑竹茹伏龍肝之類而益

劇者本方煎湯服有奇效

錦囊秘錄 國老膏（係本方熬制者）一切癰疽

消 將發則能腫逐毒使毒氣不內攻其效不可具述

類聚方廣義 凡用紫圓備急丸梅肉丸白散
等未得吐下快利惡心腹痛苦楚悶亂者用甘草湯
則吐瀉俱快腹痛頓安

得效方 獨勝散（即本方）解藥毒蠱毒毒蟲蛇
毒

又 治小兒遺尿大甘草頭煎湯夜夜服之

千金方 治陰頭生瘡蜜炙甘草末頻頻塗之

神效

直指方 癰疽秘塞生甘草二錢五分井水煎
服能導下惡物乳癰初起炙甘草二錢新水煎服仍

令人啞之

至寶方 小兒尿血甘草一兩二錢（一作五分）
水六合煎二合一歲兒一日服盡

金匱方 小兒羸瘦甘草三兩炙焦為末蜜丸
綠豆大每溫水下五丸日二服

諸家緒論 傷寒大白甘草湯千金治肺癰傷
寒論治咽痛同用甘草一味以咽痛肺癰肺受火刑
耳

外台 引錄驗本方加大棗名溫脾湯療久上
氣咳嗽亦療傷寒後咳嗽又引深師本方加大棗生

炎

姜名溫脾湯治肺痿欬吐涎沫心中溫溫咽燥而渴
憑証使用 喉頭炎咽峽炎氣管癰癰擗肺
癰赤白痢小兒夜啼小兒尿血小兒遺尿等

以下甘草湯加方

咽痛服甘草湯不解加桔梗傷寒論金匱名

桔梗湯

桔梗 二、五

甘草 一、四、五

右剉細以水三合煎一合去滓一日分三回溫
或冷服

証狀表現 傷寒論原文已見上方甘草湯金

匱欬而胸滿振寒脈數咽乾不渴時出濁唾腥臭久
久吐膿如米粥者為肺癰桔梗湯主之

補充 亦有咽喉腫痛欬嗽振寒等之証

立方意義 本方証由痰濁或膿血在支氣管

四周粘膜不易咯出而發生咽喉腫痛等証除用甘
草以促進分泌緩和急迫外加入有溶血作用之桔
梗刺激支氣管神經增加分泌有開血氣祛疾排膿
鎮痛之功合用以除氣管和氣管支之痰及由肺癰
所生之膿悉從咽喉排出同時可將咽喉腫痛予以
解散



治療標的 以咽喉赤腫而痛吐濁沫為主標的而用之

諸家經驗談 肘後方喉痹桔梗甘草炙各一兩切以水一升煮取服即消有膿即出

小兒方訣 甘桔散（即本方治涎熱咽喉不利甘草炒二兩桔梗一兩米泔水浸一宿焙乾用右為末每服大二錢水一盞入阿膠半片炮過煎至五分食後溫服

按 張志聰云案本論湯方甘草俱炙則助脾土而守中坐用則和經脈而流通此說極是本方

以生用為宜

薛氏醫案

武選汪用之飲食起居失宜咳嗽吐痰用化痰發散之藥時仲夏脈洪數而無力胸滿面赤吐痰腥臭汗出不止（中畧）吐膿血脈數左寸右寸為甚用桔梗湯一劑膿頓止再劑全止面色頓白仍以憂惶余曰此証面白脈濇不治自愈又用煎藥一劑佐以六味丸治之而愈

中國內科醫鑑

毛細氣管支炎如用桔梗湯

桔梗白散可能一舉而收奇效

經驗秘方

治咽喉鬱結聲音不聞於桔梗湯

內加訶子各等分生熟亦各半為細末食後沸湯調服又叶鍊叶子如聖湯

三因方 荊芥湯（即本方加荊芥濟生名三神湯）治風熱肺壅咽喉腫痛語聲不出喉中如有物哽噎之痛甚

聖濟總錄 桔梗湯治咽喉生瘡疼痛於本方內加惡實微炒各一兩竹葉十片

編者按 本方隨証加一二味之藥甚多殊難殫述惟在醫者視病情如何而加用之耳

諸家緒論 傷寒大白按甘草瀉心火服之痛

不愈此火邪結住肺中不得外解故以桔梗開發肺氣同甘草瀉出肺中伏火因此悟得欲清肺中邪結必要開肺清肺二味同用則肺中之邪始出

憑証使用 喉頭炎咽峽炎氣管炎肺癰等

內癰吐濁唾膿桔梗湯加生姜大棗金匱名

排膿湯

甘草九五 桔梗一四五 生姜五。 大棗一二。

右剉細以水三合煎一合去滓一日分三回溫服

証狀表現 原書有方無條文載於瘡癰腸癰

浸淫病脈証並治篇中按金鑑等書以其僅有方而無証刪去然日醫頗能用此方而有療效似不可廢為取錄於桔梗湯下以備學者採用

按東洞說 腫痛急迫用桔梗湯吐濁唾膿多時用排膿湯求真云本方中以含甘草大棗於腹証上右直腹筋攣急醫通謂內癰從嘔膿而出東洞謂諸瘍有膿血或吐粘痰而急迫者就以上諸說可作為本方証狀

立方意義 本方包含桔梗湯當有其証狀也如上述加生姜者為健胃開痰消散惡氣而設加大

棗者為滋養緩和潤膜生津而設二味同用亦治慢
性氣管支炎合甘桔湯則可知其能使腥臭膿痰易
於排出津液不致枯燥腹筋攣急情況亦從而緩解
矣

治療標的 以吐粘痰膿血難出而急迫者為
主標的而用之

諸家經驗談 續建殊錄一男子某患肺癰其
友人佐佐氏投葯爾後膿從口鼻出兩便皆帶膿或
身有微熱而時惡寒身體羸瘦殆如不可葯乃來求
治先生與排膿湯及伯州散經月而瘳

又加州士人某患淋病七年百治不效其友
人有學醫者診之與湯藥兼用七寶丸或梅肉散久
服無效先生診之小腹攣急陰頭含膿而疼痛不能
行步乃作排膿湯與之服之數日舊疔全瘳

成績錄 一男子患癰俗謂發背者大如盤一
醫診之三月不差因轉醫加外治腫痛引股小便難
大便不通腹鞭滿短氣微喘舌上無苔先生視其硬
滿與大黃牡丹皮湯穢物下鞭滿減但唯發背自若
喘滿時加濁唾粘沫如米粥因與排膿湯兼服伯州
散吐痰數升諸証全愈